

ПОСЛЕДОВАНИЕ БЛАГОДАРСТВЕННОГО МОЛЕБНОГО ПЕНИЯ В ДНИ ЧЕСТВОВАНИЯ СВЯТЕЙШЕГО ПАТРИАРХА

По отпусте Литургии диакон: Благослови, Владыко.

Иерей: СЛАВА СВЯТЕЙ И ЕДИНОСУЩНЕЙ И ЖИВОТВОРЯЩЕЙ И НЕРАЗДЕЛЬНОЙ ТРОИЦЕ, ВСЕГДА, НЫНЕ И ПРИСНО И ВО ВЕКИ ВЕКОВ.

Хор: Аминь.

Диакон: Слава Тебе, Боже наш, слава Тебе.

и поет с народом «ЦАРЮ НЕБЕСНЫЙ...».

БОГ ГОСПОДЬ...

ТРОПАРИ:

глас 8: Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную, Человеколюбче, слава Тебе.

Слава, глас 2:

Твердым и Богодохновенным учением просвещая мир пресветлыми зарями, обтече, яко молния вселенную, Кирилле блаженне, рассевая пресветлое Божие слово, на западе, и севере, и юзе, мир просвещая чудесы.

И ныне, глас 3:

Дева днесь предстоит в церкви и с лики святых невидимо за ны молится Богу, Ангели со архиереи покланяются, апостоли же со пророки ликовствуют: нас бо ради молит Богородица Превечнаго Бога.

Вонмем. Премудрость, вонмем.

Диакон: ПРОКИМЕН, глас 8: Во всю зѣмлю избѣде вещание их, / и в концы вселенныя глаголы их.

Стих: Небеса поведают славу Божию, творение же руку Его возвещает твердь.

Один из диаконов совершает каждение и уходит за Евангелием.

АПОСТОЛ ко евреем, зачало 335 (13:17-21).

Братие, повинуйтеся наставникомъ вашимъ и покарываете: ти бо бдѣть о душахъ вашихъ, яко слово воздати хотѣще: да съ радостію сіе творятъ, а не въздыхающе, нѣсть бо полѣзно вамъ сіе. Молитесь о насъ: уповаемъ бо, яко добру совѣсть имамы, во всѣхъ добрѣ хотѣще жити. Лишше же моліо, сіе творите, да вскорѣ возвращуся къ вамъ. Богъ же міра, возведый изъ мертвыхъ Пастыря овцамъ великаго Крѣвю завѣта вѣчнаго, Господа нашего Иисуса Христа, да совершитъ въи во всяцѣмъ дѣлѣ блазѣ, сотворити волю Его, творя въ васъ благоугодное предъ Нимъ Иисусъ Христомъ: Емуже слава во вѣки вѣковъ. Аминь.

АЛЛИЛУИА. Стих: Исповѣдят небеса чудеса Твоя Господи, ибо истину Твою в церкви святыхъ. *Стих:* Бог прославляемъ в совете святыхъ.

И о сподобитися нам слышанию святаго Евангелия ...

ЕВАНГЕЛИЕ от Матфея, зачало 9 (4:18-23).

Во время оно ходя Иисусъ при мѣри Галилейстѣмъ, видѣ два брата, Симона глаголемаго Петра, и Андреа брата его, вметающа мрежи въ море, бѣста бо рыбаря: и глагола има: грядита по Мнѣ, и сотворю въи ловца человекомъ. Она же абие оставльша мрежи, по Немъ идѣста. И прешедъ от-туду, видѣ ина два брата, Иакова Зеведеева, и Иоанна брата его, въ кораблѣ съ Зеведеемъ отцемъ еіо, завязующа мрежи своя, и воззва я. Она же абие оставльша корабль и отца своего, по Немъ идѣста. И прохощаше всю Галилею Иисусъ, учя на сонмищахъ ихъ и проповѣдая Евангеліе Царствія, исцѣляя всякъ недугъ и всяку язю въ людехъ.

СУГУБАЯ ЕКТЕНИЯ

Помилуй нас, Боже...

Еще молимся о милости, жизни, мире, здравии, спасении, посещении, прощении, благопоспешении **НЫНЕ ЧЕСТВУЕМАГО** (или **ТЕЗОИМЕНИТАГО**) **ВЕЛИКАГО ГОСПОДИНА И ОТЦА НАШЕГО СВЯТЕЙШАГО ПАТРИАРХА КИРИЛЛА.**

Благодаряще со страхом и трепетом, яко раби недостойнии Твоему благосердию, Спасе и Владыко наш Господи, о Твоих благодеяниях, ихже излилял еси изобильно на раба Твоего Святейшего Патриарха Кирилла, и припадаем и славословие Тебе яко Богу приносим и умильно вопием: избави от всех бед и всегда яко милостив исполни ко благу желания раба Твоего, и безгрешное со здравием долгоденствие и во всех добродетелях преспеяние ему даруй, прилежно молимся Тебе, Всещедрый Царю, милостивно услыши и скоро помилуй..

Еще молимся Господу и Спасителю нашему о еже благосердием и милостию призрети на Святую Церковь Православную и сохранить ю в единении и правоверии и даровати ей мир и безмятежие, любовь и согласие, и избавити от разделений и расколов, от вражды и нестроений, да не умалится и не поколеблется единство ея, но да славится в ней Трисвятое имя Твое, рцем вси, Господи, услыши и помилуй.

Возглашение: Услыши ны, Боже, Спасителю наш...

Диакон: Господу, помолимся. *Хор:* Господи, помилуй.

Иерей:

Владыко Вседержителю и Господи всяческих, Отец щедрот и Боже всякаго утешения! К Твоему величеству припадающе со страхом и трепетом, яко раби недостойнии, благодарение Твоему благосердию ныне смиренно приносяще о Твоих благодеяниях, ихже излилял еси изобильно на рабе Твоем **НЫНЕ ЧЕСТВУЕМОМ** (или **ТЕЗОИМЕНИТОМ**) **ВЕЛИКОМ ГОСПОДИНЕ И ОТЦЕ НАШЕМ СВЯТЕЙШЕМ ПАТРИАРХЕ КИРИЛЛЕ**, яко Господа, Владыку и Благодетеля славим, хвалим, поем и величаем, и умильно вопием: избави и на будущее время от всякаго злаго обстояния **СВЯТЕЙШЕГО ПРЕДСТОЯТЕЛЯ НАШЕГО** и даруй ему мир, со здравием долгоденствие, силу и крепость духа, упование твердое, мудрость к совершению трудов во благо Церкви Твоей Святей и Отечества нашего.

Ты сохрани пастыря с паствою, зане Ты еси всех благих вина, Ты еси сила немощным, Ты еси Помощник беспомощным, Ты еси врач душам и телесем, Спаситель, чаяние, и живот, и воскресение, и вся, яже к вечному, спасительному бытию сочетаавый нам, Ты вся, яже хочещи, можещи: избави убо, сохрани, покрый и огради нас. Ты убо, Господи, даждь **СЕМУ ПРЕДСЕДЯЩЕМУ** область и благодать решити, яже подобает решити, и вязати, яже подобает вязати. И Церковь Христа Твоего избранником Твоим умудри и яко добру невесту сохрани ю.

Ты бо Всесилен и Вседержитель Бог еси, и Твое есть Царство и сила и слава Отца и Единородного Твоего Сына и Всесвятаго и Благаго и Животворящего Твоего Духа!

Хор: Аминь.

Диакон: Премудрость ...

ОТПУСТ

Благоденственное и мирное житие, здравие же и спасение, и во всем благое поспешение подаждь, Господи, (**НЫНЕ ТЕЗОИМЕНИТОМУ**) **ВЕЛИКОМУ ГОСПОДИНУ И ОТЦУ НАШЕМУ КИРИЛЛУ, СВЯТЕЙШЕМУ ПАТРИАРХУ МОСКОВСКОМУ И ВСЕЯ РУСИ**, со всею его богоспасаемою паствою, и сохрани его на **МНОГАЯ ЛЕТА!**

Хор: **МНОГАЯ ЛЕТА!**

Иерей: **СЛАВА ТЕБЕ, БОГУ, БЛАГОДАТЕЛЮ НАШЕМУ, ВО ВЕКИ ВЕКОВ!**

Хор: Тебе Бога хвалим ...

Преподается Крест, читаются благодарственные молитвы.